



TOSHKENT DAVLAT YURIDIK UNIVERSITETI REKTORINING B U Y R U G ' I

2020-yil «30» sentabr

08-185-son

Ўзбекистон Республикаси Вазирлар Маҳкамасининг 2020 йил 21 сентябрдаги 575-сон қарори ижросини таъминлаш тўғрисида

Ўзбекистон Республикаси Вазирлар Маҳкамасининг 2020 йил 21 сентябрдаги “2020 йил учун Ўзбекистон Республикаси Давлат бюджетининг барқарорлигини таъминлаш ва харажатларини мақбуллаштириш чора-тадбирлари тўғрисида”ги 575-сон қарори ижросини таъминлаш мақсадида

Б У Ю Р А М А Н:

1. Ўзбекистон Республикаси Вазирлар Маҳкамасининг 2020 йил 21 сентябрдаги 575-сон қарори (кейинги ўринларда – қарор) маълумот ва ижро учун қабул қилинсин.

2. Қарор билан:

бюджет ташкилотларида (тиббиёт, тиббий-ижтимоий муассасалар, меҳрибонлик уйларида ҳамда меҳнатга ҳақ тўлашнинг 1-3-разрядлари қўлланиладиган ходимлардан ташқари) ишлайдиган ходимларга 2020 йилнинг 16 апрелидан 1 октябрга қадар моддий рағбатлантириш махсус жамғармаси ҳамда директор жамғармаси маблағлари ҳисобига тўловлар ҳисобланишини тўхтатиб туриш;

Ўзбекистон Республикаси республика бюджетида ҳамда ижтимоий ва ишлаб чиқариш инфратузилмасини ривожлантириш дастурида, шунингдек, Қорақалпоғистон Республикаси бюджети, вилоятлар ва Тошкент шаҳар маҳаллий бюджетларида назарда тутилган айрим харажатларни мақбуллаштириш белгиланганлиги маълумот учун қабул қилинганлиги инобатга олинсин.

3. Вазирликлар ва идоралар, Қорақалпоғистон Республикаси Вазирлар Кенгаши, қиоятлар ва Тошкент шаҳар ҳокимликларининг бюджет ташкилотларида (тиббиёт, тиббий-ижтимоий муассасалар, меҳрибонлик уйларида ҳамда меҳнатга ҳақ тўлашнинг 1-3-разрядлари қўлланиладиган ходимлардан ташқари) ишлайдиган ходимларга режалаштирилган моддий рағбатлантириш махсус жамғармаси, шу жумладан, ўқитишнинг тўлов-контракт шаклидан тушган бюджетдан ташқари маблағлар ҳисобига шакллантириладиган олий таълим муассасаларининг моддий рағбатлантириш жамғармаси ҳамда директор жамғармаси маблағлари ҳисобига тўловлар ҳисобланишини тўхтатиб туришни 2020 йил 1 октябрдан 2021 йил 1 январга қадар узайтириш тўғрисидаги таклифига розилик берилганлиги маълумот учун қабул қилинсин.

4. Бош бухгалтер вазифасини бажарувчиси М.Парпиев ўқитишнинг тўлов-контракт шаклидан тушган бюджетдан ташқари маблағлар ҳисобига шакллантириладиган университетнинг моддий рағбатлантириш жамғармаси маблағлари ҳисобидан тўловлар ҳисобланишини 2020 йил 1 октябрдан 2021 йил 1 январга қадар тўхтатсин.

5. Тошкент давлат юридик университетининг профессор-ўқитувчилари ва ходимларини моддий рағбатлантириш Ўзбекистон Республикаси Президентининг 2017 йил 28 апрелдаги ПҚ–2932-сон қарори билан ташкил этилган Бошқарув, профессор-ўқитувчилар, илмий, ўқув-ёрдамчи, техник ва хизмат кўрсатувчи ходимларни моддий рағбатлантириш учун Махсус жамғарма ҳисобидан амалга оширилиши маълумот учун қабул қилинсин.

6. Ушбу буйруқ бажарилишини назорат қилиш молия-иқтисод ишлари бўйича проректор вазифасини бажарувчиси А.Иминов зиммасига юклансин.

Ректор



Р. Ҳакимов

Лойиҳа киритди:

Молия-иқтисод
бўлими бошлиғи

_____ А. Рахимов

Келишилди:

Молия-иқтисод ишлари
бўйича проректор в.б.

_____ А. Иминов

Бош бухгалтер в.б.

_____ М. Парпиев

Кадрлар бўлими бошлиғи

_____ А. Матмуротов

Катта юрисконсульт

_____ Э. Хосилов